

Служба священномученику Петру (Звереву), архиепископу Воронежскому

(7 февраля, 17 июня, 9 августа, н.ст.)

*Текст утвержден Священным Синодом
Русской Православной Церкви
28 декабря 2017 года (журнал № 131)*

На Гóсподи, воззва́х: стихіры на 8, глас 4:

Приидіте, хвалу́ возда́дѣм Гóсподеви Бóгу нáшему,/ пáмьятъ свѣтѣтеля
Егó прославля́юще,/ служѣтеля вѣрна, пáстыря непорóчна,/ исповѣдника и
мúченика Христóва твѣрда:/ той бо, слóво Госпóдне соблю́д,/ вся до концá
претерпѣ/ и Цѣркви Рýстей похвалá и слáва явѣся./ Егóже мóщи свѣтѣ
лобызáюще,/ молѣтву к немý простира́ем:/ оградѣ нас, священномúчениче
Пѣтре, заступлѣнием твоѣм// и испросѣ нам у Гóспода вѣлию мѣлость.

От младѣнства позна́в Христа́, богоблаже́нне,/ волю́ свою́ Тому́
предаде́,/ на кáмени за́поведей Егó вся созида́я:/ тѣмже кáмень вѣры
Христóвы во дни гонѣний явѣлся есѣ́,/ первоверхóвному апóстолу
Госпóдню подобооб́разен быв./ Моли́ся, архиере́ю Бóжий, не оскуде́ти вѣре
на́шей// и Правослáвию сохрани́тися в земли́ на́шей.

Защѣтителю́ Цѣркве Правослáвныя,/ наро́да рýсскаго, скорбѣмѣ
обурева́емаго, утѣшителю́,/ в час лю́тых испытáний твѣрдо Христа́
исповѣдал есѣ́,/ священномúчениче слáвне Пѣтре,/ заступѣ и ны́не
срóдники твоѣ/ тѣплою твоѣю к Бóгу молѣтвою,/ утѣши стра́ждущія дýши
на́ша// и от рáспрей и раско́лов Цѣрквь Рýсскую благонадѣ́жно оградѣ.

Йны стихіры, глас 5:

Божѣственней слúжбе зело́ прилежа́, священнодѣ́йствителю́,/ со
благоговѣ́нием вѣлиим Престо́лу Госпóдню предсто́ял есѣ́,/ о всем мѣре
жѣртву благопрѣ́ятну Бóгу принося́,/ и молѣтвою твоѣю благомóщною
укротѣ́ти прещѣ́ние Бóжие умоля́л есѣ́, на мѣлость к пáдшим создáнием
Гóспода приклоня́я.

Пáстырь до́брый явѣлся есѣ́, óтче Пѣтре,/ на пáжити добродѣ́телей
евáнгельских воспитова́я пáству свою́/ и глаго́лом Божѣственным ра́достно
внима́я,/ о ко́емждо овча́ти душѣю болѣзновал есѣ́./ Испросѣ́ у Гóспода,
молѣтвенниче боголюбе́зне,/ Отѣ́честву нáшему мир и благодѣ́нствие,/

вѣрнымъ людемъ на врагѣ видимыя и невидимыя одолѣние, // и душамъ нашимъ спасѣние.

Въ мѣре скорби будете, рече Господь, / предвозвещающая радость Небесную. / Сие воистину на тебѣ исполнися, священномучениче, / яко скорби многія о Господѣ, / яже претерпѣл еси въ житіи твоѣмъ, / въ радость вѣчную души твоей преложишася. / Испроси, страстотерпче, и намъ / силу вся за Христа претерпѣти, // и спасѣние душамъ стяжати.

Молитва пламенная сердцу твоему усвоися, досточудне, / силу и крепость ти содевающи, / мудрость духу твоему и любовь Божественную дарующи, / темже трудовъ изрядныхъ дѣлатель показался еси, / и нынѣ на Небесехъ молѣниемъ твоимъ // вся ко спасѣнію благопотребная намъ испроси.

Слава, гласъ 2:

Паству Воронежскую / от поруганія и разделенія ревностно хранил еси, святителю, / и Отечеству твоему въ годину лютую вѣренъ до конца явился еси. / На всякомъ же мѣстѣ служенія твоего, достоуважаемъ, / вся укреплялъ еси словесы вѣчными проповѣданія Христова, / сердце исполнено любви людемъ простирая: / мноземъ бо градомъ и вѣсемъ / святительство твоѣ ко утвержденію во истинѣ послужило есть. / Темже и отцомъ Соловецкимъ, кровію мучениковъ новыхъ напоеннымъ, / идеже венецъ мученическій чудному житію твоему сплетенъ бысть, // архипастырь наречеся.

И нынѣ, Богородиченъ: Прейде сень законная:

Входъ. Прокіменъ дне.

1. Пророчества Исаина чтеніе.

Тако глаголетъ Господь: вси языцы собравшася вкупѣ, и соберутся князи отъ нихъ. Кто возвеститъ сѣя въ нихъ? Или яже отъ начала, кто слышана сотворитъ вамъ? Да приведутъ свидѣтели своя и оправдятся, и да услышатъ, и да рекутъ истину. Будите Ми свидѣтели, и Азъ Свидѣтель, глаголетъ Господь Богъ, и отрокъ, егоже избрахъ, да познаете и веруете Ми, и разумеете, яко Азъ есмь, прежде Мене не бысть инъ богъ и по Менѣ не будетъ. Азъ есмь Богъ и несть, разве Мене, спасаая. Азъ возвестихъ и спасохъ, уничижихъ и не бе въ васъ чуждый. Вы Мне свидѣтели, и Азъ Господь Богъ, и еще отъ начала Азъ есмь, и несть отъ рукъ Моихъ избавляя. Сотворю и кто отвратитъ то? Сіце глаголетъ Господь Богъ, избавляя васъ, Святыи Израилевъ.

2. Премудрости Соломони чтение.

Праведных души в руце Божией, и не прикоснется их мука. Непщевани быша во очесех безумных умрети, и вменися озлобление исход их. И еже от нас шествие сокрушение, они же суть в мире. Ибо пред лицом человеческим, аще и муку примут, упование их безсмертия исполнено. И в мале наказани бывше, великими благодетельствовани будут: яко Бог искуси я, и обрете их достойны Себе. Яко злато в горниле искуси их: и яко всеплодие жертвенное прият я. И во время посещения их возсияют, и яко искры по стеблию потекут. Судят языком и обладают людьми, и воцарится Господь в них во веки. Надеющиеся Нань разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

3. Премудрости Соломони чтение.

Праведник, аще постигнет скончаться, в покои будет. Старость бо честна, не многолетна, ниже в числе лет исчисляется. Седина же есть мудрость человеком, и возраст старости – житие нескверное. Благоугоден Богу быв, возлюблен бысть, и живой посреде грешник преставлен бысть. Восхищен бысть, да не злоба изменит разума его, или лесь прельстит душу его. Рачение бо злобы помрачает добрая, и парение похоти пременяет ум незлобив. Скончався в мале, исполни лета долга, угодна бо бе Господу душа его, сего ради потщася от среды лукавствия. Людие же видевшие и не разумевшие, ниже положше в помышлении таковое, яко благодать и милость в преподобных Его и посещение во избранных Его.

На литии стихіра священномученика, глас 7:

Проповѣдника изѣщнаго/ и священнотайнника Христова пѣсньми восхвалим:/ той бо, песнь воспеваѣя своему Владыце,/ пламень сѣрдца в поучѣніих ѡгненных изливалъ есть,/ возжигая дѹши вѣрою/ и собираѣя стадо Божіе, от невѣрных расхищаемое./ Тѣмже молитвою твоѣю укрепи, святителю,/ вѣрныя, соблазнами вѣка сего смущаемыя,/ и врагѣ видимыя и невидимыя прожени// сілою Божественнаго Дѹха.

На стихѣвне стихіры, глас 1:

Вѣру Христову проповѣдуя, апѣстолом подобообразен был еси,/ и чашу страданій, по словеси Господню,/ якоже тѣи, даже до конца испивый,/ венцемъ нетлѣнным со ѡными увенчался еси, архипастырю,/ и, достойно приѣм Небесную славу,// украшение Цѣркве Русския явился еси.

Стих: Священницы Твой облеку́тся в правду,// и преподо́бнии Твой возра́дуются.

К высотé святíteльстей мученичества добрóту приложил еси́/ и исповéдничества красото́ю посреде́ тьмы неvéрия в земли́ на́шей возсия́л еси́,/ победивый си́лу вра́жию И́менем Христа́, сме́рти Победите́ля,/ и себе́ не пощади́л еси́ ра́ди Живу́щаго во ве́ки,/ те́мже блаже́нства ве́чнаго от Того́ сподо́бился еси́,// Пе́тре досто́блаже́нне.

Стих: Честна́ пред Го́сподем// смерть преподо́бных Его́.

О сла́ве фаво́рстей незаходи́мей ду́хом пламене́я,/ Голго́фы Госпо́дни о́браз в се́рдце при́сно носил еси́, страстоте́рпче,/ в Голго́фе А́нзерстей кончи́ну мученическую́ при́яти сподо́бился еси́,/ ё́уже, спаси́тельную же́ртву Христо́ву пропове́дав,// Кро́вию А́гнчею убели́л еси́ ри́зы своя́.

Сла́ва, глас 8:

О́браз Христа́ воскресе́шаго/ пред очима́ души́ твоея́/ при́сно имёл еси́, святите́лю,/ и глаго́лы испытующия́ Госпо́дни: лю́биши ли Мя,/ к первоверхо́вному апо́столу рече́нныя,/ в се́рдце твоём благоговейно́ храни́л еси́./ Си́ми словесы́ к подвиго́м ве́ры воздвиза́емь,/ ре́вностию ве́лиею по Бо́зе распаля́лся еси́,/ те́мже упаси́ ду́ши на́ша, па́стырю святы́й, о́тче Пе́тре,/ да не погубя́т нас хи́щныя стра́сти,// и от Го́спода да не отлуча́т во ве́ки.

И ны́не, Богоро́дичен: Безневе́стная Де́во:

Тропа́рь, глас 4:

Ве́рою пла́менною апо́столу Петро́у подо́бся,/ ра́достию страда́ния за Христа́ претерпе́ти изво́лил еси́,/ святите́лю о́тче Пе́тре,/ ка́меню твёрдый Це́ркве Правосла́вныя,/ со исповéдники и страстоте́рпцы ру́сскими во мра́це беззако́ний добродете́лями сия́й,/ моли́ся с ни́ми о нас,// архиере́ю Бо́жий, священномучени́че пресла́вне.

НА УТРЕНИ

По стихослóвии седа́лен, глас 3:

Егда́ Ца́рствие Бо́жие возвещáл еси́ велегла́сно,/ проника́я вну́тренняя челове́ков о́гненными словесы́,/ в пла́мене души́ твоея́ ражда́ющимися,/ в

Дўсе Святе йстину Христóву людем проповéдал есй, óтче Пётре,/ се бо дар апóстольскаго благовéстия чўдно в тебе явйся.

Сла́ва, и ны́не, Богоро́дичен, глас то́йже:

Немо́лчная уста́ апóстолом,/ си́ла духо́вная святíteлем,/ Мари́е, Ма́ти Бо́жия,/ вся́цей душі́, тружда́ющейсѧ Бо́гу, Предста́тельница Благода́тная,/ немоту́ нечу́вственных душ на́ших разреши́,/ благоуха́нием Божéственного Дўха исполня́ющи,/ да от се́рдца избыва́юще моли́твенными воздыха́нии,/ устна́ма ра́дости хвалу́ Госпо́дню возвеща́ем неуста́нно.

Велича́ние:

Велича́ем тя,/ священномучени́че наш Пётре,/ и чтим честна́я страда́ния твоя́,/ яже за Христа́// претерпе́л есй.

Псалом избра́нный:

Го́споди, воздвигни си́лу Твою́ и прииди́, во е́же спасти́ нас.

Глаго́лах о свидéниях Твои́х пред ца́ри и не стыдя́хся.

Вси язы́цы обыдо́ша мя и и́менем Госпо́дним противля́хся им.

По полиеле́и седа́лен, глас 8:

Христа́ распя́таго еди́ным Го́сподем и Бо́гом испове́дуя,/ во вну́тренних душі́ твоея́ о́браз Его́ свято соблюда́л есй, священномучени́че Пётре,/ до часа́ сме́ртнаго креста́ твоего́ не оставля́я, страстоте́рпче,/ и я́ко а́гнец заколе́ния вмени́лся есй,/ вся побежда́я си́лою Возлю́бльшаго тя./ Сего́ ра́ди ото́ка А́нзерскаго освяще́ние и Це́ркве Ру́сския похвала́ высо́кая яви́лся есй.

Сла́ва, и ны́не, Богоро́дичен, глас то́йже:

Предста́тельница те́плая и Засту́пнице усéрдная,/ в годи́ну безбо́жия от конéчныя поги́бели зéмлю Ру́сскую/ всемо́щным ходата́йством к Сы́ну Твоему́ изба́вляшая,/ и ны́не не оста́ви нас моли́твами Твои́ми,/ Влады́чице Богоро́дице.

Степе́нна, 1-й антифо́н 4-го гласа. **Прокі́мен, глас 4: Пройдо́хом сквозé огонь и во́ду// и извёл есй ны в поко́й.** Стих: Разже́гл ны есй, я́коже разжиза́ется серебро́. Вся́кое дыха́ние: Ева́нгелие от Матфе́я, зача́ло 36.

По 50-м псалмѣ стихіра, глас 6:

Из глубины́ взыва́л еси́ ко Го́споду, священномучениче:/ гото́во се́рдце моё, Бо́же, гото́во се́рдце моё,/ по во́ли Твое́й сотвори́ со мно́ю./ Сего́ ра́ди благода́тию в тебѣ животворя́щею/ не себѣ живя́ше, о́тче, но Влады́це и Творцу́ твоему́,/ вся ко спасе́нию ста́да Христо́ва му́дрствуя и де́я./ Престо́лу сла́вы Бо́жия ны́не предсто́я, преподо́бне,/ моли́ Божество́нную ми́лостию избра́нных ча́сти нам сподо́битися// и мзду ве́рных воспри́яти в день пра́веднаго воздая́ния.

Канон священномученика, глас 4.

Песнь 1

Ирмо́с: Мо́ря чермну́ю пучи́ну/ невла́жными стопа́ми/ дре́вний пешешество́вав Изра́иль,/ крестообра́зными Моисе́овыми рука́ма// Амали́кову си́лу в пусты́ни победи́л есть.

Сло́во премудро́сти Господни́ испроси́вше,/ просла́вим по досто́янию дивна́го в ли́це святы́х Петра́ досто́блженнаго,/ святите́ля, мученика́ же и испове́дника,/ во дни гоне́ния по́двигом до́брым просия́вшаго/ и залог Христо́в до послѣдняго издыха́ния неврежде́нно сохра́ншаго.

От ю́ности благона́вными роди́тели твои́ми благоче́стию науча́емь,/ образ Христо́в любóвию в се́рдце твоём носи́л еси́, свя́те Пётре,/ та́же и, добродете́лем ева́нгельским подража́ти тща́ся,/ в стра́се Бо́жии возраста́л еси́.

Чи́стым се́рдцем да́ры благода́ти во мно́жестве прие́м,/ предызбра́ние твоё от Бо́га оправда́л еси́, святите́лю,/ пра́востию же ду́ха и дея́ний угоди́в Избра́вшему тя,/ вои́стину ца́рское свяще́ние яви́лся еси́.

Богороди́чен: Спа́са и Изба́вителя во утробѣ де́вственней вмести́вшая, Животода́вца Ма́ти Чи́стая;/ к Тебе́ у́бо в моли́твах прибега́ем, Богоизбра́нная Мари́е,/ Твои́м предста́тельством к животу́ ве́чному упрáви нас,/ во е́же спаст́ися нам.

Песнь 3

Ирмо́с: Весели́тся о Тебе́ Це́рковь Твоя́, Христэ́, зову́щи:/ Ты моя́ кре́пость, Го́споди,// и прибе́жище, и утвержде́ние.

Рѣвность Петрову по Бозе стяжав, святителю,/ соименник тому/ достославен явился еси/ и, якоже той, в ловитву спасения Божия человеки управлял еси,/ воспрещая силам вражиим, хотящим души людския погубити.

Учитель духовный и начальник обителем иноческим был еси, достоблаженне,/ благочестию истинному неленостне научая,/ и, воины российские во бранех милостивно утешая,/ проповедник ревностный Слова Божия явился еси,/ питая души от житницы Христовы.

Жезл святительский от десницы Тихона Святейшаго,/ Первопрестольника Российскаго и исповедника славнаго,/ достойно восприял еси, блаженне Пётре,/ и, силою свыше оболкийся, нивы Христовы делатель мудрый явился еси,/ плод творя в терпении и Творца, Господина жатвы, воспевая немолчно.

Богородичен: Приклони благоутробие Царя Небеснаго к нам, грешным, Пресвятая Дево,/ и душ наших худость obnovи всесильною державою Твоею,/ тех стропотная покаянием исправляющи и добродетельми исполняющи,/ да Царству Божию, пришедшу в силе,/ уготовиши их невреждённые.

Седáлен, глас 2:

Вѣруай в Мя, рече Господь, дела, яже Аз творю, и той сотворит./ Тѣмже вѣра твоѧ вѣлия, святителю Пётре, и слово, еже со властью/ многи заблудшия, предания церковная отвергшия и ложными нововождёнными прельстившияся/ в Церковь Православную паки приведоша./ Сего ради вопиѣм ти:/ молися Христу Богу прегрешений оставление даровати/ празднующим любовью святую память твою.

Слава, и ныне, Богородичен, глас тойже:

Блаженство истинныя веры являеши нам, Богородице,/ Твоею благодатию веру нам приложи, Пренепорочная,/ терпением снабдевающи,/ яко да вся возмогше верою/ и тою упование спасения имуще,/ услышим глас Небеснаго Владыки глаголюща:/ вера ваша спасе вы.

Песнь 4

Ирмос: Вознесена Тя видевши Церковь на Кресте,/ Солнце Праведное,/ ста в чине своём,/ достойно взывающи:// слава силе Твоей, Господи.

Во дни богоборений лютых яви Господь земли Русстей верные служители Своя,/ иже, страха вражия не устрасившися,/ души своя за овцы словесныя полагаху,/ якоже и Петр, священнострадалец Соловецкий,/ Небесному Архиерею подобяся.

Священномучениче досточестне, святителю Московскому Петру тезоимените,/ ты, жезл архипастырский прием,/ в вертограде Господнем, якоже оный, усердно потрудился еси, слово истины исправляя,/ се бо истинен Завый ты, Пребываяй во веки.

Службу Божественную всею душею возлюбив, досточудне,/ со велиим тщанием сию благоговейне совершал еси/ и, ни единому словеси слух сердца своего затворяя,/ псалмопению любвию навыкл еси.

Людем верным радость приносил еси,/ иже, с тобою вкупе Бога славословяще, утешение в скорбех обретаху./ Ты же, и в заточении сый, с соузники твоими жертву благодарения Богу приносил еси,/ престол живый Трапезы Господни собою являя.

Богородичен: Яко боговместимое Жилище, Тайне Совета Превечнаго послужила еси, Пречистая Дево,/ Тобою бо дадеся нам Завета Нового Податель благ и кроток,/ любвию спасительною закона смерти узы разрушивый.

Песнь 5

Ирмос: Ты, Господи мой,/ Свет в мир пришел еси,/ Свет святыи, обращаай из мрачна неведения,// верою воспевающия Тя.

Духовным оком созерцаай Господа воскресаго/ и сердечным слухом внемляй Божественным глаголом,/ сладостию любви Христовы исполнялся еси, отче Петре,/ и паству твою мудре управил еси.

К тебе, стяжавшему Христа в сердца своём,/ множество взыскующих Его, яко ко вместилищу благодати Божия, прихождаху/ и утешение в скорбех во святыни любви твоея обретаху.

Пóдвиг ѱноческій всем сёрдцем возлюбѳв,/ посту и молѳтве,
терпѳнию и нестяжанѳю усёрдно прилежал еси, священномучениче Пѳтре,/
Вѳшним же изволѳнием пóдвиг вѳлий исповѳдничества подъѳм,/
мученически житѳе твоѳе на отóце Анзерстем скончал еси.

Богорóдичен: Богорáдованною душѳю гласу Архангельскому
внѳмшая/ и рáдость мѳру Христа́ нескáзáнно рóждшая, Богорóдице Марѳе,/
всех родóв весѳлие явилася еси, Владѳчице./ Простри над всѳми
земнорóдными Покрóв Твой держáвный/ и менѳе утѳшения и рáдования о
Тебѳе сподóби, Мáти Бóжия,/ ѳко да ублажаю Тя.

Песнь 6

Ирмóс: Пожру́ Ти со гласом хвалѳния, Гóсподи,/ Цѳрковь вопиѳет Ти,/
от бесóвския крóве очѳщися,/ рáди мѳлости от ребр Твоѳих// истѳкшею
Крóвию.

Мно́гим угóдником Бóжиим собесѳдник бѳти сподóбился еси, Пѳтре:/
стáрцем обѳтели Óптинския и Дивѳевским стáрицам,/ тáже и вели́кому
пáстырю Кронштáдтскому Иоáнну,/ ѳхже наставлѳния и молѳтвы/ в
пóдвизе крѳстнем ты укрепляху.

Тьма, в нѳже погрузѳся землѳя Рѳсская отступлѳнием от Бóга и вѳры
ослаблѳнием,/ не возмо́же объѳти свѳта Бóжия, во ѳстинных Егó
светѳльницах горя́щаго./ Ты же, священномучениче Пѳтре, едѳн от сѳх
избрáнных,/ учинѳнных во мра́це беззакóния проповѳдати Христа́ на
спасѳние мно́гим.

Благодáтию Бóжиею и вели́чием дѳха твоегó/ людѳй, во узѳлищах с
тобóю сѳщих, утѳшал еси, присноблажѳнне,/ и, немóльными устнáма
Христа́ проповѳдуя,/ из глубины́ невѳдения их возводѳл еси/ и свѳтом
Истины просвещáл еси.

Богорóдичен: Пресвятáя Владѳчице, Мáти Бóга нáшего,/ Свет животá
нам всесвѳтло возсия́вшая,/ сподóби нас по слóву Сы́на Твоегó/ мир и
любóвь междѳ собóю имѳти/ и научѳи печáли нáша на Гóспода возлагáти,/
во ѳже спастѳся нам.

Кондáк, глас 8:

Во святѳтельстве твоѳем дóбре подвизáлся еси, богомѳдре,/ и
мученичества венцѳм свѳтло украсѳлся еси,/ прещѳния врагóв

Христóвых не устрáшився,/ стрáдáньми тво́ими отóки Соловѣцкiя
освятíл есѣ,/ сегó рáди Сíлы Небѣсныя удивíшася терпѣнiю твоeмý,/
мы же с вѣрою и любóвию притекáем ко святýм мощѣм тво́им,
досточúдне./ Нýне со всѣми новомúченики Цѣркве Рýсскiя/ моли́ о нас
Христá Бóга, всеблаженне Пѣтре, да зовѣм ти:/ Рáдуйся, óтче
приснопáмятне,// земли́ Ворóнежскiя в вѣре утверждѣние.

Їкос:

Совершѣн быв в рѣвности по Бóзе и любвѣ Божѣственной, святителю,/
благодáтию дѣвныя дѣла в простотѣ и крóтости сердѣчней совершáл есѣ,/
служителю Госпóдень истинен,/ и, пóдвиг архипáстырский со усѣрдием
исполнѣя,/ пáству Христóву в Дýсе Бóжии возвращáл есѣ,/ сíлою же и
чистотóю дýха твоегó врáжиим сíлам противостáв,/ свещá горящая во тьме
безбóжия явíлся есѣ, богоизбрáнне óтче,/ и за Христá и вѣру прáвую
гонѣния и мýки претерпѣл есѣ./ Никíими же скорбьми́ от любвѣ Бóжия
отлучíвся,/ смерть Егó рáди в приобрѣтение себѣ вмени́л есѣ/ и, венѣц
нетлѣнен от Христá Бóга в Цáрствии Небѣснем восприѣм,/
священномúченик и стрáстотѣрпец дóблiй явíлся есѣ,/ Цѣркве Рýсскiя
дѣвныя похвалó и неувядáемая слáво./ Моли́ся о нас ко Гóсподу,
всеблаженне Пѣтре, да зовѣм ти:/ Рáдуйся, óтче приснопáмятне,/ земли́
Ворóнежскiя в вѣре утверждѣние.

Песнь 7

Ирмóс: В пещи́ Авраáмстии óтроцы персидстей,/ любóвию
благочѣстiя пáче,/ нѣжели плáменем опаля́еми, взывáху:// благословѣн есѣ
в хрáме слáвы Твоея́, Гóсподи.

Вѣлию любóвь ко святителем Ворóнежским Митрофáну, Тíхону и
Антóнию имѣя,/ в мѣсте пóдвигов святитѣльства их труд подъя́л есѣ,
достоблаженне Пѣтре,/ и гра́ду Ворóнежу рáдость вѣлию явíл есѣ,/
утверждѣние и благодáтную пóмощь подавáя.

В стeнящем мóри безбóжия земли́ Рýсскiя,/ твѣрдый отóк благодáти
явíлся есѣ, святителю Пѣтре,/ идѣже бо мно́жится грех, тáмо и благодáть
изобíлует,/ изливáющися щѣдро на спасѣния ча́ющих.

Рѣвностию о дóме Госпóдни снeдáемъ,/ отстýпником, предáния
церкóвная отвергáющим/ и нововведѣния лъстíвая вводя́щим, противостáл

есї, ѿче Пётре,/ и, Предтечевым гласом к покаянію заблуждшия
приводя,/ многія овцы во ограду церковную возвратил еси.

Богородичен: Источник любви Божия/ исполни во оскудевающих
сердцах наших, Благодатная Маріе,/ теплотою Матерних Твоих молитв
согрей хладность молений наших/ и до конца не остави нас,/ в мире житіе
наше соблюдаючи,/ и к Царству Сына Твоего премудре нас уготовляючи.

Песнь 8

Ирмос: Руце распростер Даниил,/ львов зияния в ро́ве затче,/ огненную
же силу угасиша,/ добродетелию препоясавшеся,/ благочестия рачители
отроцы взывающе:// благословите, вся дела Господня, Господа.

Многажды искушение темницею и узами приял еси,/ от беззаконник
мучимь бе болезнями и голодом, скорбьми и неправдами лютыми./ Обаче
страха их не утрашился еси, страстотерпче,/ и любовь твоя к Богу
николиже преста,/ страдания же твоя вере твоей утверждение даяху/ и муки
безвинныя даяху души возвышение.

Во святых отцех Соловецких верх подвигом твоим обретеся,
священномучениче,/ ты бо, звание архиерейское благоговейно храня и
заточенных в Бозе утверждая,/ архиепископ Соловецкий наречен бысть
верными союзники твоими, Пётре,/ якоже и брат твой во Христе,
священномученик Иларион богоблаженный.

Во удалении от паствы твоея в заточении ти бывшу,/ востающая на тя
наветы вражия сокрушал еси молением прилежным, любезная же чада
твоя, яже отлучена от тебе телесне, во едином душе совокуплена с тобою
бяху/ и во истинных путех Господних хождение присно творяху.

Троицен: Благословим Тя, Всесильне Господи, Боже Вседержителю,/
Присносущне Отче,/ Слове Божий, нас ради плоть приемый,/ и Душе
Всесвятый Животворящий,/ Троице Единосущная и Нераздельная,/
воспеваем Тя со страхом и вопием:/ благословите, вся дела Господня,
Господа.

Богородичен: Слово от начала бывшее,/ ко спасению мира плоть
прияло есть от Тебе, Богоневесто,/ и дарова Духа разума в сердца наша,/
яко да, оправдание приемше от словес любви,/ во избытце сердца

изливающихся,/ глаголов неизреченных слышателие приснии явима,/ с небесными лики воспевающе:/ благословите, вся дела Господня, Господа.

Песнь 9

Ирмос: Камень нерукосечный/ от Несекомыя Горы, Тебе, Дево,/ краеугольный отсечеса, Христос,/ совокупный разстоящаяся естества,/ тем, веселящися,// Тя, Богородице, величаем.

Всем житием Твоим верность Христу показав,/ сердце, любви исполнено, со благодарением ко Господу простирал еси, священномучениче Петре,/ темже с Вышними чины ныне пред лицом Господним предстоиши/ и со всеми святыми Бога хвалёбными песнями прославляеши.

Божественныя службы отлучен быв/ и скорбями многими истязуемь,/ молитвою и богомыслием жажду души твоея утолял еси, отче Петре,/ темже откровение Духа дарова ти словеса богомудрая/ ко прославлению первоначальника Соловецкаго, Германа преподобнаго.

Лютою болезнию уязвився/ и страдания тяжкая претерпев, присноблаженне,/ смертию всехвальною прославил еси Господа./ Темже и Той ублажи ты в Церкви святых,/ явлении чудными назнаменовав души твоея святость,/ и мощи честныя твоя в поклонение и почитание священное нам милостивно остави.

Богородичен: Паче всех земнородных страдание в любви ко Господу познавшая,/ сердце любви исполнено простри нам, Мати Дево,/ в печалех наших немощствующим и в борениях изнемогающим,/ утеши души наша в тайне промысления Отца,/ яко да путем страданий о Христе в любовь Его Божественную внидем/ и радости Небесныя ходатайством Твоим неотлучени явима.

Светилен:

Яко свеща всесветлая, благодать Божия изнутри просвещаше ты, святителю Петре,/ сего ради избран бысть от Бога свидетельствовать о Свете/ и просвещати тьму неверия в людех обращением к вере Христовой./ Просвети убо и нашу тьмность духовную/ и души, сном лениности отягченныя, пробуди,/ и ко Господу сердца наша обрати.

Слава, и ныне, Богородичен:

Свет откровѣнія языком рѣждшая, Всесвѣтлая Богоневѣсто,/ во свѣте повелѣний Бѣжиих ходѣти нас наставѣ,/ яко да, дѣбрая творяще в нем,/ славу Отца Небѣснаго умножим в челоуѣцех,/ да и Той исполнит ны/ Божѣственнаго сиянія всепобеждающа Своея любви.

На хвалѣтех стихѣры, глас 8:

Небѣснаго Царствѣя жителю,/ Божѣственных благ сопрѣчастниче,/ Престѣлу Вѣшняго предстоѣши, священномучениче Пѣтре,/ о дѣльном Отѣчествѣи твоѣм моли, блаженне,/ безчисленными подвѣги святых Его прославленнем./ Твоими бо и тех молитвами/ чаем лютыя смѣрти избѣгнути// и части избранных Господних сподѣбитися.

Миру распяся и вся, яже в мире, презре,/ язвы Господни на теле и в сѣрдце присно носил еси, ѡтче:/ о Христѣ страдания в радость души твоей вменяхуся,/ и смерть Его ради безсмертие тебе сотвори./ Граду Воронежю слава и утверждение быв, архипастырю,/ Голгофы Русския жертва богоугодна явился еси,// отсюду же и во обители вѣчныя душею возлетѣл еси.

Егда гонѣния от безбожных зѣмлю Русскую постигоша/ и чрез оная испытание вѣры твоея, священномучениче, прииде,/ тогда с кафедры архиерейския изгнание/ и с паствою твоею разлучение мужественне претерпѣл еси/ и письмены своими люди воронежския/ неустанно в любви Божией наставлял еси,/ от неяже ни скорбь, ни теснота, ни гонѣния, ни глад// никакоже возможе тебе разлучити.

Праведность души твоея возлюби Господь,/ сего ради разум свят и подвиг крепок дарова ти,/ благодатию и милостию Своею вѣну посещая./ Ты же, и во узах сый,/ вѣрою и твердым упованием жив был еси, священномучениче,/ благовѣстием и жертвою хвалѣния непрестанно Бога прославляя,/ Иже, совершая тя во всяцем дѣле блазе,/ к лику избранных Своих причте// и славою нетленной тебе прослави.

Слава, глас 5:

Излияся благодать во устнах твоих, ѡтче Пѣтре,/ еюже правде Божией побѣду соделовал еси,/ глаголы бо жизни вѣчныя даровани тебе быша откровѣнием Христовым/ к разумѣнию слышавших/ и ко спасѣнию по словеси твоему вѣровавших,/ к низложѣнию сопротивных,/ не могущих глаголом сим противостати./ Се бо Слово Божие судити иматъ вселенней в

п ráвду:/ злóбе грéшных запрети́ти наве́ки,// сыновóм же мíра обетова́нное Ца́рство дарова́ти.

И ны́не, Богоро́дичен, глас то́йже:

Утоли́ болéзни/ многовоздыха́ющия ду́ши моея́,/ утолívшая всяку слезу́ от лица́ земли́./ Ты бо челове́ком болéзни отгони́ши,/ и грéшных ско́рби разруша́еши:/ Тебе́ бо вси стяжа́хом наде́жду и утвержде́ние,// Пресвята́я Ма́ти Де́во.

НА ЛИТУРГИИ

Прокíмен, глас 7: Честна́ пред Го́сподем// смерть преподо́бных Его́. Стих: Что возда́м Го́сподеви о всех, я́же воздаде́ ми? Апóстол к Рíмляном, зача́ло 99. Аллилу́ия, глас 2: Священни́цы Твой облеку́тся в пра́вду, и преподо́бнии Твой возра́дуются. Стих: Бог нам прибéжище и си́ла, Помо́щник в ско́рбех, обрётших ны зело́. Ева́нгелие от Лукы́, зача́ло 106 (гл. 21, ст. 12-19). Прича́стен: В па́мь вéчную бу́дет пра́ведник:

Моли́тва

О свяще́нная и многострада́льная главо́, земный а́нгеле и Небе́сный челове́че, священномучени́че и чудотворче Пе́тре, архиере́ю Бо́жий! Ты в годину́ лю́тых гонéний яви́лся еси́ я́ко церко́вное свети́ло и и́стинныя ве́ры утвержде́ние, занé пред богобо́рцы дерзнове́нно Христа́ испове́дал еси́, и я́ко кади́ло благово́нное, в же́ртву Бо́гу себе́ принéсл еси́. Яви́ нам, смире́нным и грéшным, ко святей иконе́ твоей притека́ющим, многомо́щное твоё заступле́ние, и вку́пе со все́ми святы́ми, во ото́цех Соловёцких просия́вшими, испроси́ у Го́спода всякий дар, коемуждо благопотре́бен ко спасéнию. Се бо грех на́ших ра́ди не ймамы дерзнове́ния ко Го́споду и Влады́це на́шему, и пра́ведный гнев Его́ на ны наведо́хом, и вся́кия ми́лости Его́ недостóйны сотвори́хомся. Тёмже, не сме́юще возвести́ очеса́ на́ша к высоте́ Небе́сней, ниже́ моле́бный глас ко Го́споду, се́рдцем сокруше́нным и смире́нным ду́хом тебе́ моли́твенника благополу́чнаго к Нему́ предлага́ем, и про́сим тя со усéрдием ве́лиим: бу́ди заступник и ходата́й наш пред Бо́гом, Судие́ю Пра́веднейшим, се бо вы́ну прогне́вляем Его́ согреше́нии мно́гими. Ны́не у́бо, во сла́ве Небе́сней пребыва́я и с ли́ки святы́х непреста́нно славосло́вя Пресвято́е И́мя Го́спода, при́зри на нас, грéшных, и изба́ви всех, ве́рою несумне́нною к Бо́гу приходя́щих, от вся́ких бед, наве́тов и прило́гов диа́вольских. Украти́

во́лны страсте́й и искуше́ний, воста́ющих на ны, да ра́ди святы́х твои́х моли́тв не обы́мет нас напа́сть, и не поги́бнем в пучи́не грехо́вней и в ти́не страсте́й на́ших. Вознеси́, богonóсне óтче наш, сие́ ма́лое моле́ние недосто́йных раб твои́х Влады́це Христу́, да утверди́т зéмлю на́шу в пра́вой ве́ре и благоче́стии, Це́рковь Святу́ю да сохрани́т непреодо́риму от ересей и раско́лов, и соблюде́т невреди́му от всякаго зла. Испроси́ у великода́ровитаго Христа́ Бо́га на́шего скорбя́щим утеше́ние, недугующим исцеле́ние, оби́димым заступле́ние, па́дшим во грехи́ покая́ние и возста́ние, стра́ждущим от бесо́в ско́рое свобождéние, от Це́ркве Христо́вы отпа́дшим вразумле́ние и на путь спасéния обра́щение. Ты му́ченически ду́шу твою́ за ве́ру положи́л еси́, да́руй и нам му́жество подража́ти тебе́, да ничто́же в жи́зни сей вре́менной возмо́жет отлучи́ти ны от любве́ Бо́жия. О святите́лю Христо́в, огради́ и укрепи́ моли́твами твои́ми град сей, да процветéт в нем ре́вность ко спасéнию и благоче́стие. Ты, непреста́нно о часе́ сме́ртнем па́мять име́ый и благо́ую часть избра́нных Бо́жих от Го́спода получи́вый, сподо́би и нас в ми́ре и покая́нии живо́т свой сконча́ти, и Ца́рствия Бо́жия насле́дники бы́ти, иде́же ты водворя́ешися со А́нгелы и все́ми святы́ми, хваля́ Бо́га в Тро́ице сла́вимаго, Отца́, и Сы́на, и Свята́го Ду́ха, во ве́ки веко́в. Ами́нь.